

Semiljeva

paqenetj ka kakedrian aken nu nacemavu ti kina, semekaulj tjanuamen,
“sau, siljevan tjai su vuvu tjai tjama tjai tjaina aicu a cinavu.” qau nu
nakasi vavua a qinuman a vurasi a vasa, tjara pakavulj sakamaya ta
ljaqediqedi. nu kasicemecemel ti kama, nu izua djinameq a sacemel,
cemeged a pipaljing ta mangetjez a cemulju tazua qadaw ni kama a
vavuy. nu kaljakidjulisan mangetjez a tjai ljaqediqedi pusaladj a
cemuljeculj ta penaisu mudjaq ta djulis. azua djulis a pinuljacengan sa
sisiaw ta ljameljam. mapaqenetj a patjetucu.

ljakua maumalj a ziday, tucu tjuruvu a kakedrian vaikanga kitevelj a
ma pairang a semupu. lemaing ta varung niamadju a sikacu. aicu a
kakedrian tucu mapavalitanga a varung a sipacunan a silangedan a
sidjavacan, neka nu sepacengeceng ta situluan na tjaisangasangas.

tucuanga aicu a kakedrian nu veneli a ma siubay ta kakanen, nu
sipangetjez i tjumaq, makulung a pacun ta izua i tjumaq a mareka
cemekemekelj. makulunganga a pukanu ta matjaljaljak ta cemekemekelj,
keman a kisumadju. “nu mavetu aken kiparia,” aya kininemeneman.

tucuanga aicu a kakedrian, nekanga nu papaqaljayan tua matjaljaljak
tua tjavuluvulung. nu pacun itjen a pita tinese. ui angata tu nageminagalj.
nu tjai cikelen a pacun a sicuayan a sikacu namaseqetj macaqu a lemangeda
a kakedrian ta kai nua matjaljaljak.

aicu a masasiljevaljeva itjen i ta tjai sikudan nanguaq aravac. nu
semileva itjen ta mareka tjai kaka, uri mangetjez a tjai manguaqan. nu
namacelak a tjai lima, uri mapaseqeljing a mareka tjai kaka. nu
namasuqeljev a tjai varung, izua tjai levan.

kavala sa makaya cemikel azua tjai masasiljevaljeva kasicuayan. tucu,
amin a tjai kemasi tjumaq kata tjai kinacemekeljan a temulu ta tjai aljak
namakuda situluan na tjaisangasangas, mana uri pinivarung aicu a
nguanguaq a kakudan. nu nakemasi tjumaq a matulu a kakedrian, pai nu
vaikanga sasaw tiamadju a kitateveljan ta qaliqali, mana uri izua
marepaqaljaqaljay marekiljivaljivak. azua maresiljevaljeva mana uri
namaqulipanga a tjai pacucunan a pita tinese a nageminagalj. ulja ini a
namaqulip azua masasiljevaljeva a tjai sikudan.

112 年全國語文競賽原住民族語朗讀 【北排灣語】高中學生組 編號 4 號

分享

記得兒時，當母親包 cinavu 時，母親總會吩咐我們把 cinavu 分享給長輩。當我們有收成，也總是會贈予數個給鄰居。當父親從山上歸來，若有獵捕到的獵物，必定逐戶邀請分享當日收穫的山產。每當收穫紅藜，鄰居紛紛到來幫忙，將紅藜煮成粥配上薑湯。至今仍難以忘懷。

隨著時代的變遷，許多孩子離開部落，前往平地讀書，並融入了別人的生活模式，追隨他人的生活態度。如今的孩子已經有了不同的所見所聞，也轉變了心態，從而背離了祖先的諄諄教誨。

現代的孩子們已經失去了對於尊長的敬重。當我們打開電視，內容讓人擔憂，唯有當我們回首過去的純樸，孩子才會聽進父母的話語。

在生活中，分享是好的。當我們懂得分享予我們的兄弟姐妹，我們才將擁有幸福。當我們張開我們的手，兄弟姐妹們才將受到幫助。當我們敞開我們的心胸，我們才將擁有快樂。

願我們能恢復過去的分享文化，在家裡教導我們的孩子，使我們的祖先所教導我們的優美的文化能被傳承下去。